

է. զոր եւ անդ Լոփայ աղանին եւ ի Լուցքան
էրէց են դրել. օլօֆայ կու տան նոցա եւ չէն
75 կու պահեն :

Են եւ այլ հին քաղաքնի հին, յորս կային
Հայք, որպէս Պէլլայ, Վիլնայ, Վօլօտիմիր եւ
այլ գեղօրայքն որ բնաջինջ են եղել. միայն
նշմարանքն կ'երեւին. եւ թէ վասն է՞ր, ոչ
80 գիտեմ. կարծեմ թէ վասն մեղաց կամ նողմից
սուրբ հարց. զի ամէն ազգ աճեն եւ բազմա-
նան. իսկ մեք ջնջիմք եւ նուազիմք. վա՛յ ինձ :

16. ԻՆՔՆԱԿԵՆՍԱԳՐՈՒԹԻՒՆ ՍԻՄԷՈՆԻ

ԱՄՈՒՍՆՈՒԹԻՒՆ

Իսկ ես եկեալ Լոփ եւ նստեալ երկու ամիս.
տեսեալ զիս բարեկամք իմ եւ սիրելիք, յոյժ
ուրախացան. եւ սկսան յորդորել զիս մնալ
յաշխարհս իմ աստ եւ ամուսնանալ. բայց ես
5 ոչ յօժարէի եւ ոչ կամէի մնալ, որպէս թէ
լմանայր հոգիս : Քանզի յիշէի զայն աշխարհ
եւ զբարեկի երկիրն. այլ եւ զմարդիկն լաւ եւ
բարի քրիստոնեայք, մարդասէր եւ հիւրա-
սէր. նաեւ զսուրբ վայրքն՝ զԵրուսաղէմ,
10 զՍուրբ Կարապետ եւ այլն, որ է երկրի երկին
եւ դրախտ Աստուծոյ. մորմուքէր սիրտ իմ եւ
գալարէին ազիքս, որ այնպիսի սրբութեանց
զրկեցայ եւ փառաց անկայ. եւ եկի աշխարհս
այս վշտալի եւ ցրտային :

15 Եւ իրբեւ բազում ողորմանօք ստիպէին,